



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt IV. Congressus inter Catholicos & haereticos habitu iuſu Caesaris; &
Edictum in Conuentus exitu promulgatum.

urn:nbn:de:hbz:466:1-11642

¹³ Eamdem à Cæsare parti Catholicae communicatam libello scripto confutarunt Cœlius, Faber, & Eckius: ex quo libello demptum est quidquid vel ostentaret contradictionem in Lutheranorum doctrina variis temporibus tradita, ne per eam exprobrationem ad pertinaciam illos irritaret; vel speciem præferret aculei magis quam probationis, adeoque ad exasperandam potius voluntatem, quam ad conciliandam mentem valeret. Admonuit Legatus, ne huiusmodi confutatio scripto, sed solùm voce aduersariis exponeretur; aliter præuidebat, noua eos responsa reddituros, absque ullo contentionis exitu, citraque Sedis Apostolicæ dignitatem, dum ex æquo cum suis rebellibus certamen iniret: quin eosdem singulas syllabas cauillatuos; & si quidquam quantulumcumque minus solidum offendissent, traducturos in ludibrium apud vulgus vniuersam Ecclesie doctrinam & auctoritatem, perinde ac si libellus ille Oecumenici Concilij scita complectetur. Haud parum institerunt haeretici, ut cum ipsi doctrinam suam scripto tradidissent, scripto pariter responsonem acciperent: id Cæsar constanter negavit, nisi pollicerentur, se responsonem illam nemini communicaturos, nisi prius obtentâ ipsius facultate: quaæ conditio ab iisdem recusata.

CAPUT IV.

*Congressus inter Catholicos & hereticos habiti iussu Cæsaris;
& Edictum in Conuentus exitu promulgatum.*

C Arolus, ubi coram Protestantibus confutatio lecta est, eos ad veterem communemque doctrinam amplectendam hor-tatus, septemdecim Catholicos, partim Principes, partim Oratores delegit, quibuscum agerent. Fredericus Palatinus facun-dâ oratione concordiam suasit. ^a Illi post bidui consultationem se quatuor rationibus excusarunt: Prima fuit, ^b Se haud satis auditos à Cæsare, prout indictum fuerat cum eò accerserentur: Secunda, Si bi non fuisse scripto traditam aduersariorum responsonem: tercia, Non posse ab ipsis illam recipi, conscientia reclamante: quarta, Non fuisse Concilium coactum; quod Spiræ statutum fuerat.

^a Eius summa est apud Sledanum lib. 7. anno 1530.
^b Vide Co-cleum soprà citatum.

² Ad hæc Palatinus communi nomine respondit. Ad primum, Fuisse humaniter à Cæsare auditos, & coram se, & per libellum, eosque amplius auditum iri, si quid aliud essent allaturi. Ad secundum, Permissum à Cæsare, ut non semel ipsis responsa recitaren-tur, non tamen ut ex scripto traderentur, satis quippe memoriam reti-

Part. I.

G g nebat

1530.

nebat conuitia, quibus eorum concionatores Edictum suum Wot-matiense discerperant, per grauem Cæsaris atque Imperij commeliam: proinde ea scripto illis tradere noluisse, nisi prius data ab ipsis fide, ne vlli absque permisso Cæsaris communicarent. Ad tertium, Ut æqui bonique consulerent quod admonebat, eos vndelicet debere potius conscientiae stimulis agitari, quod Fidem defertissent, in tot Regnis, per tot secula, à tot Patribus Concilii que comprobata, aliamque suscepissent tam inordinatam, tam incompositam, vt eos pauculis annis in sectas innumerabiles disciderit. Ad quartum dixit; Nondum Cæsari per bella licuisse animum ad Concilium adiicere; at ex altera parte, Lutherum Wot-matiæ Conciliorum auctoritatem palam contempnisse, nec potuisse vñquam flecti, vt futuro Concilio se permitteret; postea verò plurima conscripsisse contra Conciliorum auctoritatem: proinde immitio ab ipsis Tribunal illud postulari, quod eorum princeps tamquam auctoritate vacuum repudiabat.

Ad quinque postulata res Protestantium redigebatur. Ea erant: Eucharistiae perceptio sub utraque specie: Sacerdotum coniugium: *Canonis* prætermisso in *Missa* sacrificio, quod illis videbatur in eo Sanctorum non modò cultus, sed inuocatio contineri, ipsis improbata: Bonorum Ecclesiasticorum, quæ iam occupauerant, rete-tio: & Concilij celebratio, in quo ceteræ controversiae expendi-rentur. His postulatis Campeggio à Cæsare patefactis, & ab illo ad Pontificem perscriptis, atque in Purpuratorum Senatu recitans, decretum est: Cūm ea tam oppositos Religioni articulos susci-tent, & qui tam graui forent disciplinae legibusque Ecclesie detri-mento, admittenda non esse; grates tamen Cæsari agerent de Religionis studio, quo in reuocandis ad Ecclesiam transfigis la-borabat.

His Româ delatis responsis, quod tamen iniiretur concordia, à Cæsare votis omnibus experta, cūm ad Reipublicæ Christianæ bo-num, tum ad Germaniam secum coniungendam aduersus Turcarum conatus, septem denud vtrimeque delecti, qui simul operam studiumque conferrent; & ex quibus bini essent Principes, bini Legisperiti, terni Theologi. Designati sunt pro parte Catholicorum inter Principes Christophorus Episcopus Augustanus, Henricus Dux Brunsvicensis, cui obeunti suffectus Georgius Saxonie Dux; inter Legum Consultos, duo Cancellarij, alter Septemviri Colonensis, alter Marchionis Badensis; inter Theologos, Ioannes Eckius, Conradus Vimpina, & Ioannes Coceus: pro Luthe-

* 6. Iulij, in
Diario cita-
to Ludouici
fiorum.



rana, ex Principibus Ioannes Fredericus, filius Saxoniae Septemviri, & Georgius Marchio Brandenburgensis, cuius patrui erant Moguntinus & Ioachimus Brandenburgensis Catholici Septemviri, at ipse hæreticus, & frater Alberti, supremi Magistri Equitum Teutonicorum, qui pariter, vti diximus, à Catholicis descivierat; ex Legisperitis, Gregorius Pontanus, & D. Hellerus, ex Theologis, Philippus Melanchthon, Ioannes Brentius, & Erardus Schnepfius. Cœpit congressus 16. Augusti, & complures dies consumpsit, multa dogmata Catholicis concedente Melanchthoni, aduersarū partium principe; qui non prauo, sed depravato erat ingenio, ac tam pacis cupidus, quam Lutherus certaminis. Nec vero consonat, quod adducit Suavis ad eleuandam partis Catholicae prærogatiuam, videlicet concordiam in leuibus ac minutis quibusdam constituisse. Fuit enim uero in potissimum articulis, quibus consensit tunc Lutherana pars, aduersus quam prius ipsa docuerat, ac postmodum docuit. Melanchthon ipse producatur testis in ipsius epistola ad Legatum scripta, quam Cælestinus hæreticus in historia sua recenset. *Dogma*, inquit, *nullum habemus diuersum à Romana Ecclesia*. *Multos etiam repressimus*, qui pernicioſa dogmata ferre conati sunt, *cuius rei extant publica testimonia*. *Parati sumus obdiren Ecclesiæ Romane*, modo ut illa pro sua clementia, quam semper erga omnes homines uisa est, parus quædam vel disimulet, vel relaxet, qua iam, ne quidem si velimus, mutare queamus. *Neque fidem habeat Rm. D. T. malevolis nostris*, qui nostrorum scripta scelerate deprauant, & affingunt quidquid videtur ad inflammanda publica odia quoquo modo facere. *Ad hec Romani Pontificis auctoritatem*, & uniuersam potiam Ecclesiasticam reverenter colimus, modo non abiiciat nos Romanus Pontifex. *Cum autem concordia facilè possit constitui*, si aquitas vestra paucis in rebus conueniat, & nos bona fide obedientiam reddamus; *quorsum opus est supplices abiscere?* *quorsum opus est supplices ferro & igne prosequi?* *Multis non dubium est*, quia R. D. T. nullo modo probatur sit violenta consilia, si causam nostram, & voluntates nostras penitus norit. Nullam aliam ob rem plus odij sustinemus in Germania, quam quia Ecclesiæ Romane dogmata summa constantia defendimus. *Hanc Fidem Christi & Romane Ecclesiæ ad extremum spiritum*, Deo volente, prestatibimus. *Leuis quædam dissimilitudo rituum est*, que videtur obſtare posse concordie. Sed ipsi Canones fatentur, concordiam Ecclesiæ in huiusmodi rituum dissimilitudine retineri posse. Pro se quisque reputet, num haec sit oratio Lutherani, parati conuenire cum Ecclesiæ Romana tantummodo in leuibus ac minutis quibusdam, seruatæ in tot grauissimis discrepantiæ, in quibus à Catholicis ea secta dissentit. Sed singulatim,

1530.

quænam ea sint, inspe^ctemus. Atque iis omib^s, in quibus nunc etiam idem quod Lutherani, Catholici sentiunt; admiserunt tunc in quarto articulo: Ne amplius diceretur, nos iustos reddi per solam Fidem, quod hoc effatum in sacris Literis non reperiatur, sed per Fidem, & per Gratiam. In sexto: Necesse esse, ut bona opera, quæ Deus præcipit, efficiamus. In septimo: In hac vita contumeliam ab Ecclesia non solum electos ad gloriam, sed præscitos æternum puniendos. In decimo octavo: Inesse homini liberum arbitrium, tametsi nequeat absque diuina gratia iustitiam assequi. In vigesimo primo: Calites pro nobis Deum deprecari, eorumque memoriam statim diebus piè recoli: quamquam ipsorum invocationem neque comprobare neque improbare voluerint. Ad summam, ex viginti & uno capitibus ad Fidem pertinentibus, in quindecim plenè cum Catholicis consensere; in tribus ex parte; tria reliqua reiecerunt ad illa septem, quæ spectant ad abusus, Rōmanæ Ecclesie ab ilis adscriptos.

Ex his autem septem concessere primum; hoc est, Christum integrum secundum Corpus & Sanguinem contineri sub vtralibet specie; nec ab illis damnari eos laicos, qui sub vna solum Eucharistiam sumerent. In quinto conuenere de ieiunio in multis diebus sacrorum pernigiliis, ac de multorum Festorum celebritate. In septimo, comprobarunt Episcoporum iurisdictionem, eisque debitam obedientiam à Parochis, à Concionatoribus, à Sacerdotibus in causis Ecclesiasticis; & ne inficta ab iisdem anathemata ex sacerdarum Literarum norma impedirentur. Quā igitur audacia suis afferit, fuisse hæc quædam doctrina capita minoris momenti, alijs res leues, ad ritus quosdam spectantes? Aded hæc gratia fuere, ut Melanchthon in odia vituperationeque suorum delapsus fuerit; præcipue quod iurisdictionem Episcoporum comprobasset, quæ videbatur fundamentum illius machinae, quam Lutherus cuertere conabatur. At in Vita Melanchthonis comporio, id ab eo non fuisse peractum inconsulto magistro. Sed fortasse per huiusmodi potestatis declarationem, erat animus auctiupandæ gratiæ tot insignium potentiumque capitum, quotquot erant in Germania Praefules, eorumque causæ à Vaticana sciungenda. Vt cumque id evenerit, certum est, dum Melanchthon aquam ad extinguendum incendium propinabat, multò plus sulphuris subdidisse Lutherum suis literis, quæ typis editæ leguntur.

Spes adhuc suberat Cæfari, facilius paucos quām multos in concordiam ituros; ita congressum ad ternos vtrimeque coarctauit;

hinc



hinc ad Eckium, duosque Legisperitos: hinc ad Melanchthonem, duosque pariter Legisconsultos. Sed nihil amplius confectum, propterè quòd, ipso Sleidano teste, Melanchthon vtrà progredi vetitus fuit. Atque ita Fidei professionem alterius calculus, non propria conscientia metiebatur. Neque in hoc par erat Lutheranorum Catholicorumque conditio. Illi, vel cum plurima iactura vincebant, modò cuncta non deperderent: hi cuncta prorsus deperdebant, vno solùm deperditio, quemadmodum deperditur tota ciuitas, tametsi reliqua mœnia defendantur, modò muri pars decempedalis perfringatur ab hostibus. Nostra Fides vnico articulo individuali vniuersità innititur, qui est auctoritas Ecclesiae falli nescia: quapropter statim ac quamcumque partem desereremus, vniuersità corrueret; cùm in comperto sit, individualium vel integrum perfidare, vel integrum deficere. Atque hinc ortum duxit recepta S. Thomæ doctrina, non posse vni articulo Fidem abrogari, quin in reliquis omnibus concidat Fides: quippe quòd tunc fortasse reliquis credi posset ex peculiaribus humanisque argumentis, non ex obiecta Dei loquentis auctoritate, omnibus articulis communi, quæ Fidei actum constituit.

7 Denique desperatâ concordiâ, Cæsar ex sententia plurimorum Principum atque Imperij Ordinum, quæ in recessu statuta erant promulgauit. Ibi commemorata Cæsar's curâ ac diligentia in Comitiis adhibita pro Religionis concordia, eorumque successu, tempus indulgebatur Principibus, Ciuitatisque Protestantibus usque ad 15. Aprilis, quo palam faterentur, an vellent usque ad futurum Concilium cum Sede Apostolica, ac reliqua Imperij parte, de Fidei summa conuenire. Interim verò ipsis prescribi, ne sinerent suis inductionibus quidquam typis excudi, vendi, seu innouari in rebus Religionis, neque ipsorum subditos in ea exercenda perturbarent; nec aliorum subditos ad suam Religionem pertrahendos curarent. Vnâ omnes conspirarent aduersum Anabaptistas, & negantes Divinam Eucharistiam, repudiatâ hoc pacto Confessione quatuor Ciuitatum, quæ Zuinglio adhaeserant. Et quoniam, subdebatur, iam dudum Generale Concilium haud fuisse celebratum, fierique potuerat, ut variaz corruptelæ pullulasent in Ordine tam laico quam Ecclesiastico; idcirco Cæsarem cum Sede Apostolica, ac dein cum Imperij Ordinibus decreuisse, ut intra sex menses Concilium Christianum liberum Generale in aliquo opportuno loco indiceretur, daturumque operam, ut reliqui Princes Christiani consentirent: Concilium verò ad summum post annum ex quo indictum fuerit,

Gg 3 congre-

1530. congregaretur. Sed cùm diuino humanoque iure interdictum sit, ne suum ylli auferatur, iubebantur interea erpta Ecclesiasticis bona restitui.

Verùm his conditionibus reiectis à Protestantium primoribus aliud Edictum edidit, cui reliqua Principum Ordinumque Imperij pars subscripsit: vbi cùm ea omnia quæ in priori continetur, eiusque insuper repulsam commemorasset; recentitos errores, quibus Anabaptistæ, Zuingiani, Lutheranique quæ in doctrina quæ in ritibus insistebant, singulatim prohibuit; Ecclesiastica bona reddi iussit; in suam Imperiique Fidem recepit hæreticorum fiditos, dummodò in Catholica Religione fideliter perseverent; cunctisque iniunxit, vt ad Concilium adeundum essent parati, quod à Pontifice se impetraturum intra prædictum temporis spatium pollicebatur.

C A P V T . V.

Agitur Concilij celebratio.

Vbi Cæsar ad Comitia peruenit, animaduerterat communia Germanorum vota ad Concilij celebrationem propenderet. Illud hæretici efflagitabant, leuiores quidem egentioresque, melioris fortunæ spe ex ea publici corporis commotione: fagaciores verò potentioresque, cunctationis studio, protrahendaque minus impudenter contumaciæ, ceterum sperantes, vel se minime impetratueros, vel certè impetratueros è formâ, vt possent aliquid postea prætendere ad Concilium recusandum. Alioquin hi Concilium non solum non cupiebant, sed formidabant; certi profictionis, & veriti Tribunal tantæ auctoritatis ac roboris. Imò cùm esset Concilium ex Ecclesiasticis conflandum, pertimescebant laici, ne ab illo adigerentur ad reddenda Ecclesiæ sublata bona; adhuc vt Aleander, in Wormatiensi Conuentu Nantius Pontificius, hæreticis perpetuò Concilium conclamantibus, simulauerit semel, patellarium, qui Româ alia de causa aduenerat, fuisse ad secretum Decretum de Concilio conuocando, confessim verò cuncto silentio contineuerint.

Catholici pariter postulabant; aliqui ob detectam aduersariorum artem; aliqui, propterea quod admotis iam frustrâ lethali Germaniae morbo aliis medicaminibus, anceps potius quam nolum malebant; quidam denique, vt omni excusatione refractarios exarmarent, omnique fide apud communem omnium opinionem exue-

In Scriptura
ab Aleandro
missa ad
Campag-
gium, cùm
Legatus ad-
dit Norim-
bergensem
Conuentum.

